

Pojedini brojevi:		Mjesečna pretplata:	
U Beogradu i u krajevima zaposjednutim od o. i kr. četa po cijeni od	8 helara	Beogradu i u krajevima zaposjednutim od o. i kr. četa za jednu i etapu pošta . . .	2,-
U Hrvatskoj-Slavoniji, Bosni-Hercegovini i Dalmaciji po cijeni od	10 helara	u ostalim krajevima Austro-Ugarske monarhije	2.60
Izvan ovog područja po cijeni od	12 helara	U inostranstvu	4.50

Oglasi po cijniku.

Ratni izvještaji.

Izvještaj austro-ugarskog glavnog stožera.

Kb. Beč, 1. jula.

Istočno bojište:

U istočnoj Galiciji kod vojne skupine (austro-ugarske) general-pukovnika pl. Boehm-Ermollija u punom je težaju odbranbena bitka.

Poslije višednevne primjećeno jače topničke vatre, razvila se i u večer topnička bitka do najveće žestine; u akciju su stupili i najteži topovi.

Poslije podne preduzeo je neprijatelj južno i jugoistočno od Brzezanya i kod Konichy-a snažne pješadijske napadaje, koji su svagdje potpuno odbijeni. Gdje su se dilovali neprijateljske pješadije u opšte mogli da podignu zbog naše uništavajuće vatre, sustali su potpuno u našoj zagradnoj vatri.

Jaki napad, koji je preduzet pred večer sjeverozapadno od Zaloscze i slovio se u našoj izvršnoj topničkoj vatri. Oko ponoći pokušao je neprijatelj da bez topničke pripreme prodre južno od Brzezanya-a, ali je odbijen. U noći je topnička vatra znatno popustila, ali je ujutru opet oživila.

Talijansko bojište:

Kod sočanske vojske provela se zajednička odjeljena ugarskih pučeva zajedničke vojske broj 71 i 72 nedaleko Vertojbe sve do drugih neprijateljskih položaja, odbila su tamo dva neprijateljska protiv napada i zarobila su 1 časnika i 155 neprijateljskih vojnika.

Jugo-istočno bojište:

Nema ništa novoga.

Načelnik glavnog stožera.

Izvještaj njemačkog vojnog vodstva.

Kb. Berlin, 1. jula.

Zapadno bojište:

Front prijestolonasljednika Rupprechta bavarškog:

Zbog kiše i magle bila je vatra skoro na svim odsjecima fronta vrlo neznačajna. Nekoliki izvidnički bojevi završeni su u našu korist.

Front njemačkog prijestolonasljednika:

Kod ove vojne skupine uzalud su pokušali Francuzi, da nastrag osvoje izgubljene položaje na Chemin des Dames i na zapadnoj obali rijeke Mase. Istočno od Cernya navalio je neprijatelj poslije kratke topničke pripreme tri puta na visoravni južno od majura La Bovelie, nebi li opet osvojevo izgubljene položaje. Svi su ovi napadaji krvavo odbijeni. Upotrijebitv utučenos kod neprijatelja i činjeniču, što je njegova pozornost bila svraćena na druga mjesta, jurišali su lipski bataljuni na neprijateljske položaje sve dalje istočno do druma za Aliles-Paissy. Zbog ovoga uspjeha povisio se broj zarobljenika, koje je u posljednja tri dana privedla ova westfalska divizija na 10 časnika i 650 ljudi.

Na istočnoj obali rijeke Mase pokušali su Francuzi u mnogim napadima, da nas izbacе sa visine 304 i iz dalje istočno osvojenih položaja. Oni su svaki puta odbijeni našom pregradnom vatrom i bijesnom borbom ručnim granatama.

Istočno bojište:

Front maršala princa Leopolda bavarskog:

Pod pritiskom sporazuma moralo je rusko vojno vodstvo, da jedan dio svoje vojske povede u borbu. Poslije jake razarujuće vatre, koja je potrajala cijeli dan protiv naših položaja od gurje Strype pa sve do Narajowke, preduzeo je neprijatelj poslije podne jake pješadijske napade na frontu u širini od prilike 30 kilometara. Napadne kolone prisiljene su svagdje našom pregradnom vatrom, da se povuku, pošto su pretrpile vrlo velike gubitke. I noćni napadi, koje su ruske čete morale da preduzmu bez topničke pripreme, slomili su se bez svakog uspjeha uz obe strane Brzezanya-a i kod Swiniuchy-a. Topnička borba proširila se sjeverno sve do srednjeg Stochoda, na jugu do Stanislaw-a, bez da je tamo došlo do napadaja. Između Karpata i mora nema nikakvih događaja.

Macedonsko bojište:

Na desnoj obali Vardara kod Alćak Male suzbilo su bugarske predstraže upad jednog engleskog bataljuna.

Prvi zapovjednik glavnog stana pl. Ludendorff.

Velika bitka u istočnoj Galiciji — svi ruski napadaji odbijeni. Engleska je proglasila u Sjevernom moru suženo „opasno područje“.

Njemački večernji izvještaji.

Kb. Berlin, 1. jula.

Na zapadu je bila borbena djelatnost; vrlo neznačajna. U jutro je kod Lensa skršen jedan engleski napad. Na istoku razvili su se zbog napadaja Rusa novi bojevi kod Konichy-a, kao između Zlote Lipe i Narajowke.

Velika bitka na ruskom frontu.

Kb. Beč, 1. jula.

Javljaju nam iz stana za ratnu štampu:

Od prekjučer je u punom toku velika bitka na ruskom frontu. Rusi su za svoju ofenzivu učinili najopširnije pripreme. U prostoru, koji je bio izabran za napad, skupilo je rusko vojno vodstvo svoje najbolje i moralno još nepokvarene čete, mnogo topova sviju kalibra, među njima i jedan veliki pokretni top na tračnicama, koji je u ostalo vrlo brzo nastradao pogodjen od našeg velikog mužara (Mörsera). Povećana topnička djelatnost trajala je već nekoliko dana na cijelom frontu. Danas neprijatelj zavera, preduzelo je rusko vojno vodstvo na raznim mjestima demonstracije, ali mi smo to primijetili i neprijateljske namjere ostale su bez svakog utjecaja. U prostoru oko Brzezanya-a započela je bitka i ovaj prostor izabrao je sebi neprijatelj za svoje operativne ciljeve. Ovdje je topnička vatra svakog dana postajala sve jačom. Na večer 29. juna dostigla je ona snagu najjače bubnjarske vatre. Proštori iza naših borbenih položaja mnogo su osipani granatama, koje su bile pune na zagušnjim plinovima.

Naše topništvo nije ostalo dužno neprijatelju. Ono je snažno suzbijalo neprijateljske baterije i čim je primjećeno, da se neprijateljski rovovi pune pješadijom, koja je određena za napad, upravljena je uništavajuća vatra na nje, tako da se neprijateljska pješadija nije mogla da spremi i razvije za napad. Samo na dva mjesta pokušao je u noći neprijatelj nalet, koji se svaki puta slovio u našoj zagradnoj vatri. Ujutro 30. juna pojačala se opet znatno neprijateljska borbena djelatnost, a osobito su se kod toga isticala neprijateljska teška bacala mina. Poslije podne započeo je neprijatelj sa velikim pješadijskim napadima južno i jugoistočno od Brzezanya-a, koji su svi bez razlike odbiti našom vatrom. Na mnogim mjestima spriječilo je naše topništvo svojom vatrom neprijateljsku pješadiju, da u opšte izađe iz rovova.

Oko 9 i po sati u večer preduzeli su Rusi sjeverozapadno od Zaloscze ponovni nalet, ali naša pregradna vatra spriječila je i ovaj pokušaj. Istru je sudbinu stigao i pokušaj Rusa, da oko ponoći iznenada navale na naše položaje u prostoru južno od Brzezanya-a. Ovdje je neprijatelj pokušao, da bez topničke pripreme i iznenada provali iz svojih rovova i probije naše položaje. Međutim su Rusi pretrpili samo teške gubitke, pa su morali da se čim brže povrate u svoje rovove. Sada je njihovo topništvo opet počelo da djeluje, pa je prema jutru znatno pojačalo svoju pucnjavu.

Oba prva dana nove ofenzive, koju je neprijatelj morao da preduzme na zapovijest svojih saveznika Francuza i Engleza, pretrpila je ruska vojska samo vrlo velike gubitke, bez da je mogla postići ni najmanji uspjeh. Na našoj strani stajale su u borbi austro-ugarske, njemačke i otomanske čete. Svi su jednaki učinici u sjajnoj i junačkoj odbrani. Gubitci su saveznika zahvaljujući izvršnom spremljenim odbranbenim mjerama vrlo neznačajni.

Zvanično: Ministarstvo spoljnih poslova saopštava, da je engleska vlada ovo obnarodovala: Opasna zona će od 4. jula obuhvatiti sve vode izumajući holandske i danske teritorijalne vode, koje leže južno i istočno Jitlanda u 57°8' sjeverne širine, 4° preko točaka 57°8' sjeverne širine, 4° istočne dužine i 53° sjeverne širine, 4° istočne dužine ide duž 53° širine prema tački, koja je tri milje udaljena od holandske obale, pa odatle ide duž

granice holandskih teritorijalnih voda prema sjeveru i istoku.

Kako uslijed te mjere sigurne plovidbene putanje dolaze u opasnu zonu, te bi plovidba oko sjeverne obale Engleske postala sa svim nemoguća, to je holandska vlada obratila pažnju engleskoj vladi na vrlo opasne posljedice te mjere i izjavila je nalu, da će se ona izmjeniti.

Ruski haos. Demonstracije u Rusiji. Kb. Stockholm, 1. jula. Holandsko-skandinavski odbor javlja, da će danas 1. jula biti u Petrogradu i u svim ruskim gradovima demonstracije. U Petrogradu će demonstracije pasti u isto vrijeme sa odlaskom ruske delegacije u Stockholm. Demonstracije će manifestirati želje radništva i seljaka za što skoriji mir i brži saziv ustavotvorne skupštine i konsolidacije demokratskih formula protiv reakcije.

Petrogradska vojna posada je zaključila, da će sudjelovati samo na onim demonstracijama, koje odobrava ruski radnički i vojni savjet i ne će ništa da čuje o demonstracijama, koje priređuju „Bolševici“.

Pripreme za ustavotvornu skupštinu. Sukob između vlade i Dume. Kb. Stockholm, 1. jula.

Kao što javljaju novine, zaključila je ruska vlada, da dvoranu taurijske palače u kojoj je do sada zasjedala Duma proširi za 800 članova ustavotvorne skupštine.

Na zahtjev ministra predsjednika kneza Lwowa, da se Duma iseli iz palače, odgovorio je predsjednik Rodzianko, da će on iseliti Dumu, ako u isto vrijeme izađe iz palače i radnički i vojni savjet.

Ruska vojska za mir. Kb. Stockholm, 1. jula.

Prema vijestima stockholmske „Tidningen“ iz Haparande, protestirala je posada admiralskog broda „Krečet“ protiv ispošiljanja tehničkih i drugih ruskih četa u Francusku, jer da to ne odgovara miroljubivim namjerama Rusije.

Časnici i vojnici u Sveaburgu zaključili su u zajedničkoj sjednici, da se s mjesta svrši rat, kao i da se vlada preda u ruke radničkog i vojnog savjeta.

Protiv objave tajnih ugovora. (Naročiti brzojav „Beogradskih Novina“)

Rotterdam, 1. jula.

„Daily Mail“ javlja, da je vojnička konferencija sporazumnih sila u Sauien u riješila, da uложи vojnički protest protiv ruskog zahtjeva, da se objave ugovori sporazumnih sila.

Pobunjene ruske divizije. Kb. Petrograd, 1. jula.

Petrogradska brzojavna agencija javlja: Pošto su se izjalovili svi pokušaji i sva mirna sredstva, da se nagovori 12. i 13. strjeljačku diviziju, da pristupi svojoj novoj formaciji, opkolila je konjica prema zapovijesti ministra vojnog Kerenškog selo Suchov, u kojem su bile ove dvije divizije nastanjene, dok je topništvo otvorilo vatru šrapnelima. Konjica je poslije navalila, na što se predalo 500 strjelaca. Ovi su razoruzani i odvedeni. Do proljevanja krvi nije došlo.

Grčka. Dangleis vrhovni zapovjednik grčke vojske.

Prognanici stigli u Ajaccio. Kb. Lugano, 1. jula.

Talijanske novine javljaju, da je general Dangleis, član solunске vlade, imenovan za vrhovnog zapovjednika grčke vojske.

Dusmanis, Metaksas i Gunaris stigli su sa još 26 prognanika u Ajacciu.

Revoluciono stanje u Ateni. (Naročiti brzojav „Beogradskih Novina“)

Lugano, 1. jula.

„Secolo“ javlja iz Atene: U Ateni vlada revolucionono stanje. Svuda kralju vjerna stranka čini razne pokušaje, koje francuske i ruske čete

moraju da ugušuju. Sada ima samo u Atiki na okupu 40.000 ljudi vojske sporazumnih sila. U Ateni održava red žandarmerija sa Krete. Ministarstvo vojno, koje je trebao da primi sam Venizelos, uzео je u svoje ruke dosadnji načelnik glavnog stožera cikladske divizije, pukovnik Spiliades.

Otpor na Peloponezu. (Naročiti brzojav „Beogradskih Novina“)

Lugano, 1. jula.

„Daily News“ javlja: Dijelovi četa sporazumnih sila, koji su iskrcani u peloponeskim pristaništima Nauplija i Kalzata, vraćeni su na transportne brodove. Grčkih četa pod zapovjedništvom ustaničkih časnika, koje u Peloponezu daju još otpor, ima oko 4 divizije.

Pokret za mir. Rusi u Stockholmu. Kb. Stockholm, 1. jula.

Prema zvaničnom saopštenju stiće ovamo u utork šestorica ruskih delegata.

Finski pokret. Proširenje finske samostalnosti. Kb. Stockholm, 1. jula.

Kako javljaju novine iz Helsingforsa, zaključio je zemaljski savjet u prkos protesta vlade znatno proširenje senatskih prava. Radi se u prvom redu o pravu saziva i raspuštanja sabora i prava sankcije ruske vlade.

Opšta utučenos i ratni zamor u Francuskoj. Kb. Berlin, 1. jula.

Wolffov ured javlja: Opšta utučenos i ratni zamor je u Francuskoj porastao od tog stepena, da je francuski brzojav u Lyonu od 29. juna bio prinudjen da izda jedno opšte pobijanje, da bi na taj način zbrlsao rdjavi utisak nemira, štrajkova i izgreda skorašnjih dana u neutralnom inostranstvu, pa da time u vlastitoj zemlji poboljša raspoloženje. Čudnovato je samo, što francuski bežični brzojav nije izabrao malo bolje sredstvo nego što je vrlo skućena vijest, da je raspoloženje u Njemačkoj vrlo rdjavo i da se u opšte očekuje poraz Njemačke. Ali su još čudnovatije vijesti o uspjesima, koji se jednovremeno iznose svijetu kao plod napora sporazumnih sila u ovoj godini. Vijest o zauzeću Bagdada je prilično stara. Druga vijest, kao da su Englezi zauzeli Palestinu, u najmanju ruku je neobazriva, jer je svakome poznato, da su Englezi kod Gaza mjesto koje se nalazi na granici te zemlje, pretrpili težak poraz. Što se tiče daljih vijesti francuskog bežičnog brzojavanja, da je francusko-engleska ofenziva potisla Njemce iz njihovih najvažnijih položaja i da je uništila njihove pričuve, da Sjedinjene Države svojim stvarnim djelima pokazuju svoje odlučne ratne ciljeve, mora se i sam francuski čitalac upitati, pa kako to da njemački front stoji i dalje nepomičan na francuskom zemljištu, otkuda i zašto tolike brige zbog njemačkih protivnapada na Aisni i nedostojno moljakanje za vojničku pomoć Sjedinjenih Država? Svaki pokus, da se razvrtak događaja u Rusiji predstaviti svijetu kao uspjeh sporazumnih sila i kao težak udar za Njemačku, primiće se u cijelom svijetu s velikom neverjicom. Pa i tvrdjenje, da blokada postaje sve tješnja, izazvaće kod naroda sporazumnih sila ništa više nego uznosnu, jer su njega već odavno i to svakog dana uvjerali, da ni jedan gram životnih namirnica ne može dospjeti do Njemačke. I najzad, što se tiče tvrdjenja o neuspjehu njemačkog podmorskog rata, treba o tome spokojno sačekati ishode njemačkog podmorskog rata u mjesecu junu.

Republikanska liga u Francuskoj. (Naročiti brzojav „Beogradskih Novina“)

Zenava, 1. jula.

U franćuskoj komori se obrazovala nova stranačka grupa, tako zvana

republikanska liga. Lyonski „Progres“ veli, da su tu grupu osnovali nekolicu bivši ministri, naročito Caillaux, Renault, Augagneur i Monzle.

Novi raspored u francuskoj vojsci. (Naročiti brzojav „Beogradskih Novina“)

Beč, 1. jula.

Prema jednoj vijesti iz Zeneve francuski ministar vojni Petain je ponovo izvršio veliki vojnički raspored. Tri divizion generala i 18 brigadnih generala stavljeni su u pričuvu. Brigadni general Vidalon je imenovan načelnikom velikog glavnog stožera, a na njegovo mjesto za glavaru u ministarstvu vojnom došao je brigadni general Gramat.

Francuskoj nijesu zajamčene nlikakove oblasti u Evropi. (Naročiti brzojav „Beogradskih Novina“)

Rotterdam, 1. jula.

Londonski dopisnik „Nieuwe Rotterdamse Courant“a javlja: Na pitanje Lee Smithsa u domnjem domu Balfour je izjavio, da ne postoji englesko-francuski ugovor, kojim se za slučaj pobjede sporazumnih sila ustupa Francuskoj Alsas-Lotaringija i još neke druge evropske oblasti.

Neograničeni podmornički rat. Najveća opasnost za Englesku. Priznanje „Daily Mail“a (Naročiti brzojav „Beogradskih Novina“)

Rotterdam, 1. jula.

Lovat Fraser piše u „Daily Mail“u: Podmornice su danas veća opasnost nego li njemačka vojska. Jasno je, da većina naših sadanjih teškoća potiču u glavnome zbog pustošenja, koja vrše podmornice, otuda je i oskudica u brodskim prostorima. Zato, što oskudjevammo u brodskim prostorima, nastajaju brzo i nestašica svih životnih namirnica, a naročito u hljebu. Sad dolazi u opasnost i pamučna industrija u Lancashiru, jer nema dovoljan broj brodova, da uveze dovoljnu količinu sirovog pomuka i da gotovu robu izveze. Pritisak podmorskog rata je istina maja mjeseca nešto bio pustio, ali se sad opet obnavlja i vjerovatno će biti sve jači. Ako se gubitci brodova produže u sadanjooj razmjeri, onda neće dugo trajati, pa da mi zapadnomo u jedno stanje, iz kog se lako nećemo moći oporaviti.

Dalja potapanja. Zvanično njemačko saopštenje. Kb. Berlin, 1. jula.

Wolffov ured javlja: Uslijed djelovanja naših podmornica potopljeno je u Sjevernom ledenom moru i u završenoj zoni oko Engleske opet 24.000 bruto registriranih tona.

Engleski gublci u ovoj godini. (Naročiti brzojav „Beogradskih Novina“)

Rotterdam, 1. jula.

Podmnistar engleskog ministarstva municije Kellaway je izjavio u četvrtak u svome govoru u Birminghamu, da je Engleska do posljednje sedmice izgubila uslijed podmorskog rata samo u ovoj godini 449 brodova svaki preko 1600 tona i 71 brod svaki između 250 do 1500 tona. On je rekao, mi moramo jedan dio tih gubitaka popuniti novim brodovima, ako ne želimo da gladju budemo primorani na predaju.

Saveznici medju sobom. Protiv Italije radi Arbanije. (Naročiti brzojav „Beogradskih Novina“)

Stockholm, 1. jula.

„Ruskoje Slovo“ javlja: Poslanicama Rusije, Engleske i Francuske u Rimu je naredjeno, da kod talijanske vlade preduzmu zajedničke korake, kojim će dati izraza čudjenja svojim vlada o talijanskoj politici, naročito u pitanju Arbanije i da naglase, da se to pitanje može bezuslovno riješiti samo u jednoj međunarodnoj konferenciji.

„Ruskoje Slovo“ javlja: Poslanicama Rusije, Engleske i Francuske u Rimu je naredjeno, da kod talijanske vlade preduzmu zajedničke korake, kojim će dati izraza čudjenja svojim vlada o talijanskoj politici, naročito u pitanju Arbanije i da naglase, da se to pitanje može bezuslovno riješiti samo u jednoj međunarodnoj konferenciji.

Najnovije brzojavne vijesti.

Opšte pouzdanje u Njemačkoj.

(Naročiti brzojav „Beogradskih Novina“) Berlin, 1. jula. U skupštini članova nacionalnog liberalnog udruženja držao je govor vodj badenskih nacionalnih liberala, profesor Rebmann o opštem položaju. On je rekao, da se prema izvještajima mjerodavnih mjesta iz glavnog stana može steći moćan utisak o umirnosti i sigurnosti, koja u glavnom stanu vlada u pogledu ishoda velikog rata. Rebmann je dalje rekao, da se držanje socijalnih demokrata prema monarhiji može smatrati kao zadovoljavajuće, jer je njime učinjen odlučan korak za unutarnji mir njemačkog naroda.

Italija je napustila Tripolis. Zatvorena južno - talijanska pristaništa.

(Naročiti brzojav „Beogradskih Novina“) Zeneva, 1. jula. „Corriere della Sera“ javlja: Južna talijanska pristaništa su zatvorena. Talijanske kolonijalne čete prenijete su sa tripolitske obale na talijanski front.

August Senca: Branka, (Nastavak). 26

Stara grofica nije se tomu nadaja, to joj bijaše grom iz vedra neba, jer nikad nije slutila, da ima u njezinog sina toliko muževne samostalnosti. Prevarilo se ljuto, rasrdilo se ljuto; sve gospodske osnovne bješe joj pokvarene, trebalo je svakako, da se znatno stisne, da se ostavi stanovitih gospodskih konvencija, stanovitih velesvjetskih hira; ukraiko, trebalo je slušati pamet, sina, i stisnuti se u svoj kurt. To je starij gospodji vrlo mučno bilo. Napisa Belizaru pismo od puna četiri arka, gdje mu je dozivala u pamet sve moguće doskočice i sofizme, svu hinjenu ljubav i sve čuvstvovanje, da drakoniku odluku svoga sina smekša bar donekle. Ali Belizar neodavza se na sreću logici uzda i suza, već ostane kao kamen na svojoj odluci i spasi zbilja protj volji stare grofice Jalševo. Stara se grofica skloni pod gvozdenu volju svog jedinca, i kad se prvi put sretoše, reče naprosto slagnuvši ramenom: „Vaša je ta volja zakon, ja neću praviti opozicije.“ „Varate se, milostiva majko! neukloniva nužda, spas naše obitelji zakon je u ovaj par; a to je najsvetiji zakon, koga nikako pogaziti nesmijem.“

Napokon se starija udobr, videći, da Belizar nepoznaje šale, a biće po svojoj prilici poučila i proračun, koji joj je dakako dokazao, da ni velika nesmižu trošiti bez računa. Zadolvoljavajući se godišnjom rentom živjela je gospodja grofica u bečkom nekom predgrađu zimi, a ljeti bi sprovela nekoliko mjeseci na kakvoj jeftinjoj kupelji u Stajerskoj. Tako bijaše uočavan ugled obitelji i neka noblesa starih vremena. Kupelji međutim neprijahu osobito organizmu grofice, jer nepredložilo dvije godine, a sin pohiti u Beč, da doprati u Jalševo mrtve ostanke svoje majke; gospodje čudnovate, ni dobre ni zle, ali na svoj kalup građene, da se nije ni kasnije mogla ljubiti sa svojim narodom. Kad sam blagoslivljao u dvorskoj crkvi stariju, niknu mi u mojoj duši misao: Eto Belizar je pošteni i njjegova duša nije iskvarena pred sudama, toga čovjeka moram spasiti za narod, moram ga preobititi na svoju ruku; on bi mogao preobraziti cijeli kraj. I latih se posla. Grof Belizar bio je kod suda raspravio svoju baštinu te me umolio za pomoć, a ja to dakako brže bolje prihvatilo, jer mi se to čini najbolji put, da se uvučem u njegovo srce. Osnova moja bijaše ta: kad grof opazi, da ga posve vjerno služi u najvažnijim poslovima njegova imetka i gospodarstva, slušaće me i u poslovima politike. Taj zaključak činio mi se posve


logičkim, međutim sam se prevario po nešto. Mislio sam, da će grof ljetoovati u Jalševo. Belizar nečuini toga, a to me upravo začunilo. Belizar bi probavio i ljeto i zimu kod Beča stranom u kući svojoj, stranom pak na svom imanju blizu grada. „Šta, gospodine grofe, vi nas ostavljate? A ovo ste nekoliko mjeseci proboravili među nama i mogli se uvjeriti, da nismo ljudozderi i da smo jaki poštenim načinom privrjediti po koji komad božjega blagoslova. Ne mogu vam dosta iskazati, kolika je to sreća mojem srcu bila, te nadjoh sina stare hrvatske obitelji, koji je shvatio svoju zadaću, koji se privezao svetoj ovoj grudi, koja porodi njega, i prije njega silu junačkih otaca, djedova i pradjedova. Gospodine grofel zaklinjem vas živim Bogom, ne odlazite odatle, ostanite Hrvatima!“ „A šta vi mislite da sam, dragi župniče? Sta sam ja, šta ja mogu biti nego Hrvat? Znam kakva me je majka rodila.“ „To nije dosta, presvijetli; vaša vjera mora da je živa. Vi nesmižete probaviti vaše dane u krajevima nevjernika.“ „Toga nemogu, župniče. I sami znate, kako se povijest među plemstvom i pukom kod nas razvila, i kako se razvija i sada. U privatnom životu gledamo se, pozdravljamo se, pijemo karkada zajedno, al u javnom životu

stoji jedan naproti drugomu, tu nema pamiirbe. Ja to znam i uvidjam, ja shvaćam tu veliku razliku želja puka i hojarstva, i ako sam možebit malodušan, to nemogu nikako doći do uvjerenja, da će se jednom ispuniti krasne riječi Janka Draškovića. Nu na to vam se kunem živim Bogom, da se ja profi svomu narodu dići neću, da ću ga pomagati, gdje bude moguće. Stajal ću postrance, blagoslivljaj ću svoju rođnu zemlju, ljubit ću ju, al samo iz daleka. Vama se to čini, dragi župniče, eksotički, al ima još jedan razlog, tako silan, tako jak, da mi je tvrdo zatvorio vrata domovine pred očima, kad je počela klonuti odluka, da se odbijem od nje. Nije to nikakav razlog politički, al ima u sebi politike. Moje se srce jako rastuži, moja duša planu, udjoh u trag tolikoj podlosti, koja se zaklanjala patriotizmom, da se uvrijeđen u dubini duše svoje zavjerih tvrdo, da se neću mješat u nikakovo političko kolo, u nikakvu ljubavnu svezu, da ću si potražiti ma kakvu poštenu ženu aristokraticu, samo da mi neizgine plem. Mislim, da sam to ponešto svojoj rodbini dužan, al ovršit ću to, ni više ni manje. To vam je, dragi župniče, od toga me neće nitko odvratiti, zao mi je, da je tako. Imao sam ideala, zli vjetrovi razniješe ih kao oblake, u mom srcu ostadoše samo tužne uspomene.“ (Nastaviće se.)

CIJENE OGLASIMA: Osmna jednog milimetarskog retka (42 mm široko) staje . . . 10 helera

MALI OGLASI Primaju se: Knez Mihajlova ul. 38.

Dentista F. B. Brill Beograd. Makedonska ulica broj 5. (do pošte) „Amerik. specijalista“



„ZUBE“ vještačke u zlatu i u kaučuku samo se u mome ateljeu izrađuju po najboljem originalnom americkom sistemu. Primam od 8—12 i 2—6 k. 823-1

Kupovine i prodaje EKSEKCIJA za opanke, letvaše svake vrste, blokeja gvozdanih, kožnih, prodaje uz umjerenu cijenu Willi Schosberger Saborna 30, preko puta Miše Poličevića, Beograd. 31700-2

Namještenja. SEGRTI SE PRIMAJU pod platnom modni salon Knez Mihajlova 21. I kat desno. 31710-3

POTREBNA JE mladja stalna služavka. Jovanova 81, parter. 31722-3

Razno. Naučka pok. Vladana Kocića kapetana, koja je bila u Skoplju, neka javi svoju tačnu adresu Kosić M. Jovića, Lazarevačka 43. Arandjelovac, radi prijema novčanih uputnica. 31726-5

Nestali TRAZI SE ko zna, da me izvjesti, da li je živa sa troje djece Jelena Dim. Dimitrijevića učitelja iz sela Viroveca kod Negotina, da se javi sestri odmah u Beogradu Darinki Micić Katiceva ulica 13. 31702-8

KORESPONDENCIJA. Jovanu Premoviću, Geneva. Molimo dostavite Svetozaru Gjorgjeviću — Tozi, da smo pročitali kartu, u kojoj pita, da li smo ma šta dobili dosada. Kako za ove dvije godine ne dobismo ni pare, to mu se s molbom obraćamo, da gleda da nam se novac telegrafski pošalje, jer se sa djeecom nalazim u osakudici. Marija Vase Kneževića, biv. carinika državnog, Makedonska ulica 48, Beograd. 31671-g

Jovanu Premoviću, Geneva. Molim izvjestite gospodina Miju Martinca, da je porodica Sime Jovanovića, Industrijska iz Bora, zdravo i dobro. Gazdarica Ruža, stara majka, gospodja Borka i djeca zajedno su. Gazda Sime uka vesti za svoju porodicu upit na mene. Gospodja Borka moli za izvještaj o svome bratu Straži Vasiću. Evgenija Vojnovićeva, Daničičeva 31, Beograd. 31670-8

Jovanu Premoviću, Geneva, za Svetozara Gjickića Avenue Bosquet 66. Paris. Sve sam tvoje karte pisane mi do sada iz raznih mjesta primila. Do sada sam ti nebrojano puta pisala ali ne znam zašto moje karte nisi dobio. Ja sam sa djetecom zdrava nalazim se u tom stanu, za seljanje nemoguće mi je za sada. Darinka je sa dvoje djece u Prokuplju zdrav, zel je Bugarakoj. Čeda se javlja, za Svetu ništa ne znamo, Milica i Milena su zdrave. Pozdrav od mene, Koka, Nane i Čaje primi tvoja Anka Gjickić Mladenovac. 31695-8

Stevi Aćimoviću, Geneva, za Božidara Jokovića, pisara četnog, 4. čete I batalj. XIII. puka II. poziva. Gospodja Leposava Jovanovića učiteljica iz Krivčaja, moli vas da joj izradite da što prije dobije nešto od svoje plate, jer je u osakudici, pošto od početka rata dosada nije ništa primila. Novac uputite na gos. profesora Marka Leka, Beograd — Simina ulica. Evgenija Vojnovićeva, Beograd, Daničičeva 31, 31680-8

Malisi Tanaskoviću, Geneva. Molim javite mom šuraku Radovanu Bakoviću i Voljnu Gjurću, da smo kod kuće svi zdravo, Mirko Spasojević i Darinka zdravo su; pozdravite sve učtane: Miku, Mišu, Radsava M. Raca Uskokovića, Redivoja Kostića, Ziku Nevojlja, Lj. Gjerasimovića, Veca, g. Tasa, Dragutina Aleksića, Ljuba Smiljanica, Ranka Aleksića, popa Borivoja, Blagoja Grkovića, Danila Markovića, Pavla Topalovića, Ljubisu Vujovića, G. Janjusevića, Vladu Savića, Obrada Blagojevića, Miču Simičevića, Radišu Bjeličića, Mihaila Simića, g. Paju Mićuna, Dragog Vukosavljevića, Luku Todorovića, Stevana Jovanovića, Borovića i Kremlića sinove, Dimitrija Trifunovića; u Jagodini su svi zdravo, Savu Gajića i sve učtane neka se jave na moju adresu. Milislav Nešović, Užice. 31687-8

Jovanu Premoviću, Geneva, da dostavi Desanki Zilke Terzibašića pukovnika, Solun. Tvoj sam oglas u ovom novinama pročitao. Preko Wienerbank Verele sam primila četiri puta novac. Danas primi novac preko Peštanske Mađarske Komercijal-banke. Nemojte mi više novaca slati. Malisla i Ljubisla neka svoju penziju primaju i troše za sebe. Lepu i mogu unuka Ivu i sve vas pozdravlja mama Mica J. Jakovljević, Kralja Milutina 87, Beograd. 31686-8

Svetozaru K. Gjorgjeviću, Geneva. Javi moje ljubljenoj sestri Miki, da je naš mii roditelj, ovaj nama, na veliku žalost svoje porodice preminuo devedesetog juna u več. Djeca su mu zdrava i žena; za imanje i kuću neka ne brine, sve je u svome redu, već neka čuva sebe jer nam je sad najpotrebniji. Pop P. M. Dragović, Barici. 31693-8

Sotiru Iliću, Zeneva. Dobili pet pošiljki novaca. Hvala. Molim šaljte i u buduć. Srdačno pozdravlja Ganu i vas vaša snaja Ljubica pok. Glise Andrejevića, Prote Mateje 17, Beograd. 31670-8

Jovanu Premoviću, Geneva. Molim javite Kostu Cobaniću gimnazistu, čleve serbe-ay lycée de Bostia Korzika, via Pintaller, da novac, koji je odredio za mamu pošalje ovamo meni u Beograd, Bregovita (Lomina) ulica br. 13. njegovoj sestri Vučić Cobanić. Neka javi kartom, hoće li to učiniti. Zdravi smo i pozdravljamo. Vučkica Cobanović, Beograd. 31683-8

Jovanu Premoviću, Geneva. Molim javite mome mužu Dragutinu Gjurdjeviću, kuriru VII. puka II. poziva drinske divizije. Ja sam živa i zdrava sa Evicom živim dobro, ne brini. Pošaj mi novac. Tvoje ne dolaze. Pozdrav Hella Dragutini Gjurdjeviću Postanička 58, Beograd. 31692-8

Oglašujte u „Beogradskim Novinama“.



Prvo ces. kr. povlašćeno dunavsko parobrodarsko društvo.

LJETNI RED PLOVIDBE poštanskih i putničkih parobroda. Vrijedi od 1. svibnja 1917. do dalje naredbe.

Primjedba: Za polazak parobroda sa svih parobrodskih stanica na Dunavu sve do Beograda, a tako isto na pobočnim rijekama vrijedi srednje evropsko vrijeme. Izvadak iz društvenog pravilnika. U ovome redu plovidbe navedena vremena označuju najraniji dolazak i odlazak parobroda. Zakašnjenje ili zostanak pojedinih vožnja ne daje nikakovih prava na oštetu prema upravi. Za željezničke i parobrodске veze ne jamči uprava.

I. NA DUNAVU. Niz vođu:

- Iz Passau-a u Linc: lokalna ladja dnevno do 26. maja u 4 sata 30 min. do podne, od 27. maja do 31. avgusta u 5 sati 30 min. do podne, od 1. rujna do daljnjeg samo do postaje Engelhartszell, u 6 sati 35 min. do podne. Poštanska ladja: dnevno do daljnjeg u 3 sata po podne. Iz Linca u Wien (Praterka): Poštanska ladja: dnevno u 9 sati po podne do 31. kolovoza, od 1. rujna do daljnjeg u 8 sati po podne. Brza ladja: dnevno u 10 sati 30 min. do podne do daljnjeg. Iz Wien-a (Weisgarber) u Pozsony: dnevno u 5 sata po podne do 31. kolovoza, od 1. rujna dnevno u 4 sata po podne. Iz Wien-a (Weisgarber) u Budapeštu: dnevno u 7 sati Wien Praterka " " " 7 " 30 m. u jutro. Iz Budapeste u Zemun-Beograd dnevno u 10 sati u več. Iz Mohacs-a u Zemun: dnevno u 8 sati 35 min. do podne. Iz Aljmaša u Zemun: dnevno u 11 sati 50 min. do podne. Iz Ukovara u Zemun: dnevno u 2 sata po podne. Iz Ujvideka u Zemun: dnevno u 5 sati 40 m. po podne. Sliže u Zemun dnevno u 10 sati 25. min. noću. Sliže u Beograd dnevno u 11 sati 10 min. noću.

Uz vođu:

- Iz Linca u Passau: lokalna ladja dnevno do 31. kolovoza u 12 sati o podne, od 1. rujna do daljnjeg u 12 sati o podne samo do Engelhartszell. Poštanska ladja: dnevno do daljnjeg u 5 sati 30 min. do podne u Passau. Iz Wien-a (Praterka) u Linc: Poštanska ladja: dnevno do daljnjeg u 10 sata do podne. Brza ladja: dnevno do daljnjeg u 7 sati do podne. Iz Požana u Wien (Weisgarber): dnevno u 6 sati u jutro Iz Budapešte u Wien (Weisgarber) dnevno u 6 sati u več. Iz Beograda za Budapeštu dnevno u 5 sati u jutro. Iz Zemuna u Budapeštu: dnevno u 5 sati 45 min. u jutro. Iz Ujvideka u B.-Pestu: dnevno u 11 sati 5 m. prije podne. Iz Ukovara u B.-Pestu: dnevno u 4 sata 20 m. po podne. Iz Aljmaša u B.-Pestu: dnevno u 7 sati 25 min. u več. Iz Mohacs-a u Budapeštu: dnevno u 2 sata noću. U Budapest sliže: dnevno u 3 sata 35 min. po podne. Poštanske ladje imadu priljučak na osobne vladrove i Mohacsu za Pecs. One poštanske ladje, koje plove iz Budapešte u Beograd i natrag imadu, izuzevši petkom kod Starog Slankamena priljučak na ladju koja plovi između Star. Slankamena i Tifela.

II. NA TISI u mješovitj službi. Niz vođu:

- Iz Szegeda u Zemun: u srijedu, petak i nedjelju u 5 sati iz jutro. Iz T.-Bece u Zemun: u srijedu, petak i nedjelju u 11 sati do podne. Iz Tifela u Zemun: u srijedu, petak i nedjelju u 3 sata po sliže podne. Sliže u Zemun: u srijedu, petak i nedjelju u 6 sati po podne. Uz vođu: Iz Zemuna u Tifel Szeged: u srijedu, petak i nedjelju u 11 sati noću. Iz Tifela u Szeged: u ponedjeljak, četvrtak i subotu u 2 sata 15 min. noću. Iz T.-Bece za Szeged: u ponedjeljak, četvrtak i subotu u 6 sati 15 min. iz jutro. Sliže u Szeged u ponedjeljak, četvrtak i subotu u 2 sata 15 min. po podne. Poštanska ladja koja plovi iz Szegeda u Zemun i natrag primaje kod Rezsöháza i Starog Slankamena. ZEMUN, u travnju 1917.

Glavna agencija.

BEČ IV, PARK HOTEL preko puta južnom i istočnom kolodvoru. Telefon 7493. Electr. adr.: Park Hotel, Wien IV. 857 Vlasnik: Rudolf Wieninger. MODERNI UREDJAJ. LIFT. PARNO GRIJANJE.

Gjoki P. Radojloviću, Geneva.

U žalosti koja vas je snašla za vašom milom sestrom Jelennom i dobrim bratom Radojem; učestvujemo i mi i molimo se gospodu Bogu za spas duša njihova a za utjehu i zdravlje vaše. D. Živković.

Miloša Savića Kolarčeva ulica br. 10, Beograd. Platnenih cipela Sandala dječjih Papuča ptišanib Papučica „Blokeja kožnih“ gvozdernih Prodaje se na tuce i na par u radnji.

„PEROCID“ ZA PRSKANJE VINOGRADA DOBIVA SE KOD AVRAMA S. KOENA I K. BEOGRAD, Saborna ulica 29. 31669

OTVORENA JE trgovina kancelariskog materijala Antonijevića i Cukovića BEOGRAD, Knez Mihajlova 21. 31712

Austro-ugarska banka. Dividenda na dionice Austro-ugarske banke, koja u smislu pravila otpada na prvi semester 1917. (76. dividendni odrezak) u iznosu od dvadesetosam kruna isplaćivati će se počev od 2. srpnja o. g. kod glavnih zavoda u Beču i Budimpešti i kod svih podružnica Austro-ugarske banke. Budimpešt, 28. lipnja 1917. AUSTRO-UGARSKA BANKA. Gutman, Peopovics, Schmid generalni saeljnik, guvermor, generalni tajnik. Slijevni odrezak 71, 73, 75. dividendnog kupona ima se do daljnjeg ostaviti na kuponaricu, koji služi za podiznuće moguce kase; uplate ostala dividende za god. 1914, odnosno 1915. 4336. 366

Bravarsko-Instalaterska radnja Petra Jankovića Kralja Milutina ulica 22. BEOGRAD — Slavija. Instalira i opravlja vodovod, klozete, kupatila, česme, kao i sve građevinske radove. Solidna izrada i umjerena cijena. 31598

Izvještavam srodnike i prijatelje da ću našem milom i nezaboravljenom djetetu Zorki davati godišnji pomen u srijedu 4. juna u 10 sati prije podne u crkvi na novom groblju. Beograd, jula 1917. Duboko ožalošćeni roditelji: Sofija i Vladimir Šišmanović sa porodicom. 31667

Javljam rođacima i prijateljima da je naš mii i nikad neprežaljeli, nežni otac, plemeniti brat i deda Petar D. Todorović beogradski marvenit ljekar preminuo 15-og aprila ove godine. Beograd, jula 1917. Ožalošćeni: kć Milica Draškoci; sestre: Julka D. Ilić, Draginja Savić, učiteljica; brat: Svetislav Todorović, sekretar min.; zet: Julije Draškoci, inžinjer; unuc: Vođa i Jovan i ostala familija. 31727

Zorka V. Milovanović javlja srodnicima i prijateljima, da će svojim dobrim roditeljima Paolini i Evgeniju Gajnoviću davati pomen u srijedu 4. jula u 10 sati prije podne u Vaznesenskoj crkvi. Beograd, Poslanička ulica 11. 31709

Porodica Miće Crvčanina, trgovca ovd. izvještava svoje srodnike, prijatelje i poznanike da će svojoj dobroj majci Mari Crvčanin davati u četvrtak 22. juna 1917. u 10 sati prije podne godišnji pomen u crkvi sv. Nikole na Novom groblju. Beograd, Dobračina ulica 38. 31725